

# KONFIRMAN† 2025



DEN NORSKE KYRKJA  
i Vindafjord

## Velkommen som konfirmant i Ølen og Bjoa kyrkjelyd!

Det er berre eitt år til ein høgtideleg dag i livet ditt.

### Ei viktig tid - eit viktig val

Konfirmanttida er ei tid for å tenkja nye tankar, få nye opplevingar og kanskje nye vene! I konfirmanttida er det tid og rom for å undra seg og stilla spørsmål. Ei tid for å læra meir om Gud, om deg sjølv og om den kristne trua.

Kyrkja i Ølen og Bjoa ønskjer å gi dykk eit godt tilbod med variert undervisning og aktivitetar. Du finn meir informasjon om vårt opplegg for konfirmasjonstida på andre sida av arket.

Det blir nokre fellessamlingar med alle dei andre konfirmantane i Vindafjord, og ei samling der også konfirmantane frå Etne er med. I tillegg blir det samlingar berre for Ølen og Bjoa,- av og til deler me også denne gjengen i to grupper.

Me samlast vanlegvis på Kyrkjetur i kyrkja i Ølen. Nokre samlingar blir andre stader. Deltaking på gudstenester blir hovudsakleg i eigen kyrkjelyd. Konfirmantåret inneheld deltaking på 8 gudstenester, inkludert sjølve konfirmasjonen.

### Ei konfirmanttid for alle

Alle har rett til ei god konfirmanttid uansett funksjonsevne. Dersom det trengs individuell tilrettelegging så sei frå til oss så snart som mogeleg, anten på skjemaet eller på telefon/e-post. For at me skal kunna finna dei beste løysingane for deg er det viktig at me får beskjed i god tid.

### Eg er ikkje døypt – kan eg konfirmerast?

Du er velkommen til å delta i konfirmantopplegget sjølv om du ikkje er døypt. Dåpen er likevel ein føresetnad for å delta i den avsluttande forbønsgudstenesta. Det er vanleg at konfirmantar blir døypte i løpet av konfirmanttida i Vindafjord. Som regel skjer dette i samband med ei vanleg gudsteneste, anten i sjølve gudstenesta eller som ein meir privat seremoni rett etterpå.

Om du høyrer til eit anna kyrkjesamfunn enn Den Norske Kyrkja kan du også ta del i konfirmantopplegget hos oss.

Sjå også nettsidene [www.konfirmant.no](http://www.konfirmant.no) for meir generell informasjon om konfirmasjonstida + nokre filmsnuttar på TikTok (#konfirmantene)

- For **INNSKRIVING TIL KONFIRMANTTIDA** inviterer me **deg og dine føresette til ei samling for meir informasjon og ein liten smakebit på kva du har i vente.**
- **Tid og stad:**  
**Ølen kyrkjetur onsdag 12. juni kl.18.00 (felles for Bjoa, Ølensvåg og Ølen)**
- Fyll ut og ta med vedlagte innmeldingsskjema (NB begge sider!)
- Dersom du er døypt i eit anna kyrkjesamfunn enn Den Norske Kyrkja kan du ta med kopi av dåpsattest eller sende til oss seinare.

## Informasjon om opplegg og grupper

### Konfirmasjonsdatoane våren 2025:

Ølen: laurdag 26.april og søndag 27.april

Bjoa: laurdag 3.mai

Totalt skal konfirmantåret ha ca 60 timer med undervisning og andre typar samlingar. Under ser du utkast til timefordeling (OBS – endringar kan skje – me er ikkje heilt i boks med planlegginga enno..)

<b>Lokale samlingar</b> (Inkluderer m.a. undervisningssamlingar, 8 gudstenester, fasteaksjon, konfirmantfest)	30 timer
<b>Grupper</b> på tvers av Vindafjord (sjå under for detaljar ) 1 Kjekk og grei                    2 Friluft 3 Film                                4 Ungdomsklubb 5 Kunst                              6 Dans og drama (7 kanskje skyting..)	8-10 timer
<b>Leir-laurdag</b> på Brandøy saman med alle Vindafjordkonfirmantane <b>26.oktober 2024</b>	10 timer
<b>Konfirmantfestival</b> i Norheim kyrkje laur 1/2 el sørn 2/2 2025 (Haugalandet og Sunnhordland)	6-8 timer
<b>Show med mening</b> , med illusjonist og tryllekunstnar Ruben Gazki, felles Vindafjord og Etne (dato ikkje klar)	3 timer
Pris: <u>ca kr.1300 -1400</u> (blir bestemt i løpet av juni når me får oversikt over utgiftene)	Det er mogeleg å søkja fritak/redusert eigenbetaling for konfirmantavgifta, sjå eigen artikkel på nettsida <a href="http://www.vindafjord.kyrkjer.no">www.vindafjord.kyrkjer.no</a>

**Mulege grupper** (alle må velje ei av desse. Meld interesse ved påmelding så ser me kva me får til..):

#### 1 Kjekk og grei

- Me vil gjera livet lysare for andre ved å f.eks. hjelpe til i ei barnegruppe, på Lys Vaken, 5.kl leir, Speidaren, Ungdomsklubb, hjelpe på omsorgssenteret eller på lokale arrangement.

#### 2 Friluft

- Ut på tur – aldri sur! Samlingar med friluftsaktivitetar. Kanskje ei overnatting?

#### 3 Film

- Små grupper (4-5 konf) ser 2 utvalde filmar i lag i ein heim, samtale og sosialt m/ mat

#### 4 Ungdomsklubb

- Deltaking og oppgåver på kristen ungdomsklubb (t.d. Feedback, Klubben i Vikedal)

#### 5 Kunst

- Kunstnariske utfordringar i samband med kyrkjelege tema, maling, teikning..

#### 6 Dans og drama

- Øve inn dans- og dramastykker for framsyning i t.d. gudstenester eller andre arrangement

#### 7 Skyting (litt usikkert om me får til, men meld interesse så ser me...)

**OBS:** me bruker appen SPOND for informasjon og kommunikasjon gjennom konfirmantåret. Spør gjerne om å bli medlem av gruppa allereie no: gruppekode **MDFFT**

Lurer du på noko så ta kontakt.

Med helsing og vel møtt til konfirmantundervisning!

Britt G. Karstensen

Kateket

tlf. 53 65 65 42/452 21 580

e-post: [britt.karstensen@vindafjord.kommune.no](mailto:britt.karstensen@vindafjord.kommune.no)

